

- 1^r Wer durch lieblosen vnd trouwort
- 2^r Die worheyet setzet an eyn ort
- 3^r Der klopfet dem endkrist an der port

Kap. 104



worheyet verschwigen.

- 1 Der ist eyn narr / wer wyrt zerstört
- 2 Jnn sym gemüt / so man anfort
- 3 Vnd mitt gewalt / jnn zwyngen wöll
- 4 Das er die worheyet schwygen soll

5 Syn wyßheytt vnder wägen lon
 6 Vnd soll den weg der torheytt gon
 7 Den der on zwiffel anhyn fert
 8 Der sich an solche trouwort kert
 9 Die wile doch gott / vff syner sytt
 10 Jst / vnd beschyrmt den alle zyt
 11 Der von der worheytt sich nit scheydt
 12 Das er zů keyner zyt beleydt
 13 Syn füß / wer vff der worheytt blibt
 14 Bald / der all vigend von jm tribt
 15 Eyn wiß man stat der worheytt zů /
 16 Ob er joch säch Phalaridis kü
 17 Wer nit kan by der worheytt ston
 18 Der muß den wäg der torheytt gon
 19 Hett jonas worheytt gkundt by zyt
 20 Der visch hett jn verschlucket nitt
 21 Helyas hielt mit worheit priß
 22 Dar vmb für er jnns Paradiß /
 23 Johannes floch der narren louff
 24 Dar vmb kam Christus zů sym touff /
 25 Wer eyne lieplich stroffen dütt
 26 Ob ers joch hat nit glich für gütt
 27 So würt doch etwan syn die stundt
 28 Das es jm zů verdancken kundt
 29 Vnd grösser danck nymbt vmb stroffwort
 30 Dann ob er redt / das man gern hort
 31 Daniel keyn liebdat nemen wolt
 32 Als er Balthesar sagen soltt
 33 Vnd jm die worheytt legen vß
 34 Dyn gelt blib (sprach er) jnn dym huß

12 zů GW5046 GW5047] zů GW5041 26 hat nit GW5046 GW5047] nit hat GW5041

35 Der engel hyndert Balaam
 36 Dar vmb das er die gaben nam
 37 Vnd wolt thûn wider die worheynt
 38 Des wart verkört als das er seynt
 39 Der esel strofft den / der jn reynt
 40 Zwey ding mag man verbergen nit
 41 Zû ewig zyt sicht man das dryt /
 42 Eyn statt gebuwen jnn der hõh /
 43 Eyn narr / er stand / sitz / oder gee
 44 Sicht man doch bald / wesen vnd bscheit
 45 Worheynt sicht man jnn ewigkeynt
 46 Vnd würt sich nyemer me verlygen
 47 Wann narren schon den hals ab *schrygen* /
 48 Worheynt ert man durch alle land
 49 Der narren freüdt ist / spott / vnd schand
 50 Jch byn gar offft gerennet an
 51 Wile ich das schiff gezymeret han
 52 Jch soll es doch eyn wenig färben
 53 Vnd nit mit eychen rynden gårben
 54 Sunder mit lynden safft ouch schmyeren
 55 Vnd ettlich ding ettwas glosyeren
 56 Aber ich ließ sie all erfryeren
 57 Das ich anders dann worheynt seynt
 58 Worheynt die blibt jnn ewigkeynt
 59 Vnd würt eym vnder die ougen ston
 60 Wann nyemer wer diß büchlin schon
 61 Worheit ist stercker dann all die
 62 Mich hynder reden / oder sie
 63 Wann ich mich hett gekört dar an
 64 Jch müst byn grössten narren stan
 65 Die ich jnn allen schiffen han

42 der *GW5041 GW5046*] die *GW5047* 47 *schrygen*] *fchryen GW5041* *fchrygen GW5046*
 51 das *GW5046 GW5047*] diß *GW5041* 58 *ewigkeynt GW5046 GW5047*] *ewikeynt GW5041*